

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy and  
Infrastructure

Broj:27-04-5444-37/20  
Sarajevo, 10.04.2020. godine

**KANTON SARAJEVO**  
**SLUŽBA ZA SKUPŠTINSKE POSLOVE**  
**- O V D J E -**

**PREDMET:** Odgovor na zastupničku inicijativu Neire Dizdarević, dostavlja se, -  
**VEZA:** Vaš akt broj: 01-04-5444-37/20 od 03.03.2020. godine

Vašim aktom, broj i datum veze, dostavljena je zastupnička inicijativa zastupnice Neire Dizdarević pokrenuta na 21. Radnoj sjednici Skupštine Kantona Sarajevo, kako slijedi:  
**“da sva javna komunalna preduzeća objave spisak dužnika kako je to nedavno učinilo KJKP Toplane Sarajevo”.**

Navedena zastupnička inicijativa upućena je Ministarstvu komunalne privrede i infrastrukture Kantona Sarajevo i svim kantonalnim javnim komunalnim preduzećima, koje daje sljedeći:

**- o d g o v o r -**


Ministarstvo komunalne privrede i infrastrukture Kantona Sarajevo je svojim aktom broj: 27-04-5444-37/20 od 11.03.2020. godine dostavilo naprijed navedenu zastupničku inicijativu svim kantonalnim javnim preduzećima iz nadležnosti Ministarstva sa zahtjevom da razmotre podnesenu inicijativu i pripreme izjašnjenje po istoj.

U vezi sa podnesenom inicijativom dužni smo ukazati na odredbe člana 4. stav 1. tačka b) i člana 5. Zakona o zaštiti ličnih podataka (“Službeni glasnik Bosne i Hercegovine”, broj: 49/06 i 76/11) kao i mišljenje Agencije za zaštitu ličnih/osobnih podataka u Bosni i Hercegovini broj: 30-1-37-2-72-2/11 od 08.02.2011. godine u kojem je istaknuto da je Zakonom o zaštiti ličnih podataka u članu 4. stav 1. tačka b) propisano da je kontrolor obavezan na lične podatke koje prikuplja za posebne, izričite i zakonske svrhe ne obrađuje na bilo koji način koji nije u skladu sa tom svrhom. Nadalje se navodi da zakonima kojima je regulisana oblast komunalne djelatnosti i pružanja komunalnih usluga, kao lex specialis propisima, nije propisano javno objavljivanje ličnih podataka korisnika usluga odnosno dužnika, te je prema odredbama Zakona o zaštiti ličnih podataka za zakonitu i dozvoljenu javnu objavu ličnih podataka potrebna pismena saglasnost nosioca ličnih podataka odnosno korisnika usluga čiji se podaci na taj način obrađuju. Također, komunalna preduzeća kao povjerioci u ugovornom



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1





odnosu imaju pravo da u skladu sa Zakonom o parničnom postupku F BiH tuže dužnika i da prava ostvaruju pred nadležnim sudom, a ne da bez pravnog osnova objavljuje lične podatke korisnika i na taj način vrše povredu prava na privatnost u pogledu obrade ličnih podataka.

Kantonalna javna komunalna preduzeća koja imaju nenaplaćenih potraživanja su se izjasnila u kontekstu naprijed navedenog, odnosno odredbi Zakona o zaštiti ličnih podataka i predmetnog mišljenja Agencija za zaštitu ličnih/osobnih podataka u Bosni i Hercegovini u odnosu na dugovanja fizičkih lica.

Također, u odnosu na dugovanja pravnih lica, većina preduzeća su se izjasnila da razmatraju takvu mogućnost, pri čemu je bitno utvrditi relevantni kriterij u smislu da li se radi o dužnicima koji su već utuženi, koji imaju više od 30 dana u kašnjenju ili više od 90 dana u kašnjenju.

Na kraju, a uzimajući u obzir aktuelnu situaciju i proglašeno stanje nesreće uzrokovano pojavom Korona virusa (Covid 19) i situaciju u kojoj se trenutno nalaze građani i pravna lica, smatramo da predložene aktivnosti u ovom trenutku ne bi ispunile svoj cilj i svrhu.

**S poštovanjem**



**MINISTRICA**

Mr. sc. N. [redacted], dipl. ing. maš.

Dostaviti:

1. Naslovu
2. Stručna služba Vlade Kantona Sarajevo- na znanje
3. Evidencija
4. A/a



web: <http://mki.ks.gov.ba>  
 e-mail: [mki@mki.ks.gov.ba](mailto:mki@mki.ks.gov.ba)  
 Tel: + 387 (0) 33 562-086,  
 Fax: + 387 (0) 33 562-177  
 Sarajevo, Reisa Džemaludina Čauševića 1

